



29. december 2021

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

Naalakkersuisunut apeqquteqaatit:

- 1. Naalakkersuisut pilersaaruteqarnerlutik nammineq kissaatiginngisaminnik meerartaarsinnaannginneq nappaatit akuerineqarnissaanik suliaqarnissaminnik, tamaattoqarneranilu periarfissaareersup saniatigut ikiorserneqarsinnaanngornissaannut pisinnaatitaaffealersitsinissaq?**
- 2. Naalakkersuisut misissuinissaminnik pilersaaruteqarnerlutik, Qallunaat Nunaannut IVF aamma ICD-mik 2019 sioqqullugu aappariit nammineq kissaatiginngisaminnik meerartaarsinnaanngitsut ikiorserneqariartortut qassiunerannik?**
 - a. Misissuinissap taamaattup allaffissornikkut, aningaasatigut inuiaqatigiinnullu sunniutissai suuppat?**
- 3. Naalakkersuisut pilersaaruteqarnerlutik IVF aamma ICD-mik ikiorsiinernut peqqinnissaqarfiup aningaasartuutigisassai matussusissallugit?**
 - a. Allaffissornikkut, aningaasatigut inuiaqatigiinnullu sunniutissai suuppat?**
- 4. Naalakkersuisut pilersaaruteqarnerlutik aappariit ikiorserneqartut aningaasartuutaat matussusissallugit?**
 - a. Allaffissornikkut, aningaasatigut inuiaqatigiinnullu sunniutissai suuppat?**
- 5. Naalakkersuisut pilersaaruteqarnerlutik ersarissassallugu Kalaallit Nunaanni ikiorsiisarnissamut nukissat, atortutigut piginnaasatigullu qanoq inissisimnersut?**
 - a. Allaffissornikkut, aningaasatigut inuiaqatigiinnullu sunniutissai suuppat?**
- 6. Naalakkersuisut peqquneqarput nassuiaaqullugit kalaallit peqqissartut illuanni piginnaasatigut inissisimaneq, ineriartornerlu inissatigut sulisutigullu amerlassusiliineq ukiuni ukunani: 2014, 2015, 2016, 2017, 2018, 2019, 2020 aammalu 2021? Akissutit skemanngorlugit perusuppakka.**
- 7. Naalakkersuisut pineqartumut allanik paasissutissiisinaanerlutik?**

(Inatsisartunut Ilaasortaqaq Anna Wangenheim, Demokraatit)

Tunngavilersuut

Apeqquteqaammur nr. 161/2021 isumaqanngilanga Naalakkersuisut naammaginartumik akissuteqarsimasut, ilumut pilersaaruteqartoqarnersoq sulisutigissallugu nammineq kissaatiginngisamik meerartaarsinnaannginneq nappaatit isigineqalernissaa. Apeqqut tallimaanni Naalakkersuisut



meerartaarsinnaannginneq nappaatit taaneqarnera uppersarparaat tunngavilersuutigisimasakkali ilalerlugit, nappaat taamatut ittoq akuerineqarnerasigut malitsigineqarsinnaanera peqqinnissakkut neqeroorutigut akuerineqarsimannngitsunut assinganik iliortalerneq.

Akissummilli ersarissumik perusuppunga, Naalackersuisut ILUMUT pilersaaruteqarnersut nammineq kissaatiginngisamik meerartaarsinnaannginneq akuerineqarnissaa sulissutigissallugu. Naalackersuisut akissutigattaq peqqinnissaqarfiup aningaasaqarnikkut sinaakkutaa aallaavigalugu pingaanersiueq ingerlanneqartartoq. Taamaattorli ujartugaraara peqqissutsimut politikki siunissamut isigisoq, peqqinnissaqarfipput ima ineriartortigisoq allaat peqqinnissamut neqeroorutaasinnaasut innuttaasut pisariaqartitaanut naleqqussarsimasumut, sulisitsisutigut suliffeqarnikkullu pilerinartuujuannarsinnaalluni.

Peqqissutsimut Naalackersuisoq siornatigut ukiup ingerlanerani oqarsimavoq meeqqat tamarmik kissaatigisamik inuussasut – Inatsisartunut aalajangiiffigisassaanni misissuisoqassasoq naartuersittarnermi angutaasullu pineqartumi inissisimasarneranut tunngasumi nassuiaateqarnermigut.

Isumaqarpunga politikikkut oqallinneq aammalu iliuseqarneq pisariaqartinneqartoq, qanoq peqqinnissaqarfik, qanoq sutigullu aqqissuusseqqittoqarsinnaaneranik, ikiorsiinemullu neqeroorutit innuttaasut kissaataattut ilusilerlugit tunniussinnaanngorlugit imatuunngitsoq ukiumit ukiumut inissisimaffik akueriinnartussanngorsimallugu. Nammineq kissaatiginngisaminnik meerartaarsinnaanngitsut IVF aamma ICD-mik ikiorserniaraanni ukiumut 6.mio.kr. missigalugit akeqalertusaasoq nalunagu inissaminiiginnarpoq politikikkut anguniakkanik pingaanersiueq, soorlu eqqaaneqarsinnaasoq naartuersittarnermi ukiumut 9-10 mio.kr.-nik naleqartartumut annikillisaanissaq.

Ilisimavara sammisamut imartuumut assersuullugu, kisiannili periarfissatsialaavoq politikikkut eqqartussallugu innuttaasullu ammanerusumik eqqartussagaat sutigut nammineq paarinerusinnaanersugut peqqinnissatigullu neqeroorutigineqartut tigulluarnissaanut. Isumaqarpungami peqqinnissaqarfipput ajortutut saqqummiunneqartarneranut peqqutaataasoq suut pisinnaatitaaffiginerigut/pisinnaatitaaffiginnginnerigut nunat tamalaat akornannut sanilliullugu, puigortaratsigummi innuttaasut peqqinnissaqarfimmilu sulisut oqallinnermi peqataatinneq ajoratsigit, naggataagut paaseqatigiinnermik akuersaatigiinnermillu nunatsinni pilersitsisinnaagaluit.

Peqqissutsimut Naalackersuisoq isumani attackuniuk, meeqqat tamarmik kissatigineqarlutik inuussasut, isumaqarpunga misissorneqarnissaanut pissusissamisoortoq angajoqqaat taakku meerartaarnissaminnut ikiorserneqartut nukissatigut aningaasatigullu inissisimanagerat qanoq inneranik taamatuttaarlu meeqqap toqqissisimasumik peroriartornissaanut periarfissagissaarneruneranut. Soorlu politikikkut anguniagaasoq ersarissoq. Naalackersuisut nammineq kissaatiginngisamik meerartaarsinnaannginneq nappaatit akuerinissaa ersarissumik isummerfiginngippassuk taamatorluinnaq inisseqqissaagut, inuiaqatigiittut nikeriannnginneq, soorlu naartuersittarnerit arlaliusut pinaveersaartitsinerup annikippallaarneranik taamatullu meeqqat angerlarsimaffiup avataanut inissiisarnerit arlaliusut. Tamanna aapariiusunut 40-nut annernartumik inissisimaffiuvoq, meerartaarusuttunut. Inuunerup ingerlanngani akueriuminaatumik inissisimaneq eqqummaariffigisariaqarparput, politikikkullu soqutigisaralugu naleqqussarlugu ineriartortittuartaqarparput.



DEMOKRAATIT
DEMOKRATERNE

Apeqqutit ullut qulit suliffiusut iluanni akineqareersimanissaat kissaatigaara.